


風陵文庫
文庫19
F175
2



鏡源遺照集卷五

須江張均坦齋氏輯

新安吳映辰菊人氏校

海塘

江南通志唐開元元年築捍海塘起杭州鹽官抵吳淞江一百三十里又大厯初淮南節度判官黜陟使王承式築捍海塘自鹽城南至海陵綿亘百里後廢宋天聖五年范仲淹建議更築張綸上其事六年功成名范公堤長百四十三里

F0175-(2)

江源 補注

禹貢有岷山導江之文桑經酈注遂以岷山為江源自前明徐霞客好游直至崑崙見河與江皆出自崑崙不過河源在北江源在南耳岷山乃其入中國之始非發源也有以北金沙為源者其源在西番境內李穆堂以康熙方輿圖考之岷江與金沙江會合于四川之叙州自四川逆溯之直源于西番之阿克達母必拉等處六千九百里而後至岷山幾與黃河同源

河源 補注

元地里志以星宿海為河源我

高宗純

皇帝命使臣阿彌達往窮河源回奏星宿海西南有一河名阿勒坦郭勒蒙古語阿勒坦即黃金郭勒即河也此河實係黃河上源其水色黃迴旋三百餘里穿入星宿海自此合流至貴德堡水色全黃始名黃河又阿勒坦郭勒之西有巨石高數丈名阿勒坦噶達素齊老蒙古語噶達素北極星也齊老石也其崖壁黃赤色壁上為天池池中流泉噴涌灑為百道皆作金色入阿勒坦郭勒則真黃河之上源也

放生池

南史梁武時謝微為放生文見賞於世蓋梁武帝奉佛戒殺則放生始於是時無疑也

巴水

渝州閬白二水曲折象巴字故曰巴

元和郡國志

封侯水

封侯水源在南康以梅鎔列營水邊封侯故名

篆水

篆水在四川廣安州其年豐水紋宛成篆籀

廉泉讓水

南史范柏年謁宋明帝言及廣州貪泉因問柏年卿州中復有此水否答曰臣州中惟有文川武鄉廉泉讓水又問卿宅在何處曰廉讓之間

籠水

續述征紀記梁鄒城有籠水云齊孝婦誠感神明湧泉發于室內潛以績籠覆之繇是無負汲之勞家人疑之時其出而搜其室發此籠而泉遂潰湧流漂居宇故曰籠水

石塘

玉海浙江石塘剡于錢氏乾道七年

飛魚口

後魏延興初文安縣人孫願捕魚于五渠水有羣魚自西來共以柴塞之俄風雨晝昏唯聞鳥飛聲比風息雨霽有人乘船至云見羣魚無數飛入海人遂呼入海處為飛魚口

老翁泉

老翁泉在剡州墓頤山蘇明允嘉祐集云十數年前月

夜見老翁蒼顏白髮偃息泉上就之則隱入于泉洵螿石建亭覆之而為之銘

珍珠泉

潛確類書珍珠泉在溧水山谷中廣二畝餘色深碧鑑人毛髮沸急處成串如珍珠故名

度軍泉

又云如臯治西度軍泉昔岳飛經畧通泰領兵過此數千人飲之泉亦如故因名度軍泉

范公泉

又云范仲淹知青州有惠政溪側忽湧醴泉遂以范公名之

嘉客泉

又云滁州側菱山客至撫掌則濺射如珠號嘉客泉亦名珍珠泉

谷簾泉

潛確類書在南康府康王谷中瀑廣如簾故曰谷簾陸羽茶經品為第一水

姜泉

帝王世紀神農母有喬氏女登為少典妃遊華陽感神而生帝長於姜水因呂氏之

龍泉

類書蘭州龍泉水文作蛟龍狀或撓破之尋復成龍獸將飲者皆畏避而走因名

笑泉

廬江笑泉一在魯班塘內聞人笑聲水輒湧沸高尺許一在發洪山兒童笑泉亦湧名笑兒泉

呂泉

畿志洞賓飲處名呂泉今呂泉山在無為州西北五十里一名龍吼山一名石音山昔呂仙卓劍而湧泉出石底纍纍若貫珠人有笑其旁泉輒加沸又呼為笑泉

洗馬溝

順天府西南四十五里有溝漢光武北巡洗馬于此因名

拒馬河

一統志拒馬源出代郡涑山晉劉崑守此拒石勒故名

神農澗

潛確類書神農澗在衛輝府温縣神農採藥至此以杖畫地遂成澗

空桑澗

又云有莘氏女採桑伊川得子於空桑是為伊尹因名空桑澗在嵩縣

菖蒲澗

南越志宋咸平中姚成甫於澗側遇一丈夫曰此菖蒲安期生所餌可以忘老倏然而逝今俗曰七月二十五日安期生上昇相率為蒲澗之遊履碁駢錯廣州記澗

傍有石名禹餘糧有五色雀澗中產九節菖蒲故名巖上懸鐘時鏗鏗有聲

礮溪

水經注礮溪東南隅有平石即太公垂釣之所其投竿踞餌兩膝猶存是有礮溪之稱

好溪

圖經麗水縣惡溪多怪唐大中時刺史段成式有美政水怪自去因改名好溪

貴溪

圖經蕪溪又名貴溪因出鬱金香縮酒降神制用甚貴也又寰宇記蘇氏遇道士于雲溪曰汝後當大貴因名貴溪

竹溪

古夜郎國相傳一女子浣紗溪上見浮竹中有啼聲取視之則孩也及長主夜郎封竹溪王

濂溪

宋史周茂叔道州營道人知南康軍因家廬山蓮花峯下取營道所居濂溪名之亦作廉溪周子濂溪詩吾

欲固易足名廉朝暮箴

丁谿

泉州志德化縣丁溪俗云水畫丁羅簪纓宋時一夕雷雨決流一縱一橫宛成丁字邑人程揚休果登高第

弋溪

類書弋溪在弋陽卽弋陽江源出上饒之靈山以溪濱大石如鐫弋字又以水橫斜似弋也元絳送張承義知信州詩溪從弋字水橫斜

茗溪

圖經餘杭茗溪夾岍多茗花因名

霅溪

類書霅者呂衆流合集爲義湖州凡四水茗溪前溪餘不溪及北溪水通謂之霅溪又謂四水蕩激時霅音闌衆聲然有聲故名

浣花溪

方輿勝覽浣花溪在成都府城西冀國夫人任氏微時四月十九日見一僧墮汚渠爲浣其衣頃刻百花滿潭因名一曰百花潭

磨針溪

類書磨針溪在眉州彭山縣象耳山下相傳李白學未成棄去適過是溪逢老嫗方磨鍊杵問何為曰欲作針白感遂還卒業溪因以名

路公溪

統志祁門縣有溪甚險商旅經此多覆唐縣令路旻開斗門巨殺其勢號路公溪

任公溪

寰宇記任昉為新安太守因行春至此愛其雲溪累日

不返百姓因名為昉溪大中十年刺史盧藩改曰任公

溪

琴溪

列仙傳琴高善鼓琴所居溪側有石臺即控鯉上昇處

潛確類書樊川在西安府即樊噲食邑唐書杜牧有樊

川集

牧馬川

又云牧馬川在雙流縣劉先主置籍田牧馬因名

龍川

廣州記龍川本博羅之東鄉有龍穿地而出即穴流泉因曰為號

魚龍川

水經注沂水出五色魚因謂之魚龍水亦謂魚龍川

木飲川

酉陽雜俎朱崖有一島民苦無井海水鹹不可飲取艸木汁飲之故名木飲川

水磨川

舊志水磨川源出鸞鳥山之平羌腦兒都山口水勢湍激能轉水磨故名

董澤

左傳董澤之蒲澤在聞喜縣即董氏豢龍處

鶴澤

荊州記晉羊祜鎮荊州嘗取鶴教之翔舞巨娛賓客因名鶴澤

雷澤

類書雷澤在曹州澤有雷神龍身而人頰鼓其腹則鳴

史記舜漁於雷澤卽此

漏澤

又云漏澤在泗水縣東其穴有五皆方丈餘深二丈每春夏積水秋冬漏盡謂之漏澤

督亢澤

水經注沆漭也言淫淫漭漭無崖際也督亢之無水斥鹵之謂也其水自澤枝分東逕涿縣故城南又東散爲澤渚督亢澤也

孔愉澤

一統志晉孔愉隱吳盛山經餘不溪買白龜放之龜左顧數四後封餘不亭侯視印龜乃左顧後人因名澤

婁湖

輿地志婁湖在江寧婁侯張昭所鑿故名之

蠡湖

寰宇記蠡湖越范蠡伐吳所開

練湖

南徐記晉陳敏所開

萬歲湖

類書盱眙縣萬歲湖昔周世宗駐蹕于此民皆呼萬歲故名一在建昌府南豐縣

母鯉湖

又云彭澤母鯉湖元縣人李時母病思魚日携筌求魚于港不得大慟叩天俄有一叟教云湖下舉筌魚可得也如其教得一鯉曰奉母疾乃痊因名

甘棠湖

又云九江府城南景星湖唐刺史李渤築堤于湖之陽人不病涉故曰甘棠名

元武湖

徐爰釋問本桑泊晉大興三年始創北湖宋元嘉中有黑龍見因改名元武

鑑湖

輿地志鑑湖後魏會稽太守馬臻所開述異記鑑湖即鏡湖俗傳軒轅鑄鏡於湖邊今有軒轅磨鏡石或云黃帝得寶鏡於此故名鏡湖

房湖

潛確類書房湖在漢川唐刺史房琯鑿

衛湖

又云成都府新繁縣衛湖蜀漢縣令衛常所開

徐公湖

又云金華縣徐公湖昔有徐公至此逢二人共博稱赤松子安期生酌湖水為酒呂飲之徐便醉臥及醒不見二人而宿莽攢身抵家家人已服闋矣後人因名湖曰徐公

宮亭湖

又云宮亭湖即彭蠡一名鄱陽宮亭者或曰因廬山三

宮得名又有神能令湖中分風而帆南北號分風湖

澹臺湖

吳地記吳縣東南澹臺滅明宅陷為湖

玉娘湖

嵩山記登封縣有玉女臺漢武帝見二玉女於此因名

玉娘湖

迎擔湖

南徐州記費縣西北有迎擔湖晉元帝南遷衣冠席捲過江客主相迎湖側遂以此為名

裴公湖

一統志鞏昌府裴公湖唐刺史裴守貞濬

九鯉湖

又云何氏兄弟九人於湖側各乘一鯉而去故名

郎官湖

李白泛郎官湖詩序乾元歲秋八月白遷夜郎遇故人
尚書郎張謂出使夏口觴于江城之南湖方夜水月如
練張公顧曰此湖古來賢豪遊者非一而寂寥無聞夫
子可為我標嘉名曰垂不朽白因舉酒酌水號之曰郎

官湖

鴛鴦湖

輿地紀勝鴛鴦湖在嘉興郡南湖多鴛鴦故名

四龍湖

西吳里語安吉縣有四龍湖吳越王錢鏐以望氣者言
有王氣使人鑿之忽有四鶴飛出化為四龍

太子湖

六朝事迹太子湖吳宣明太子孫登所創

濯衣湖

閔狄青征儂智高經此軍士疾癘禱井水溢飲之盡愈
凱旋奏聞仁宗封芳忠孝公賜飛白書曾氏忠孝泉五
字旌之

護城井

潛確類書霸州城中井七十有二宋將楊延昭鑿每隆
冬汲水灌城虜疑不敢進因名護城井

琉璃井

又云邯鄲縣梁家疇古井甃甃之上結成黑色琉璃一
丈許故呼為琉璃井

谷人喬井

郡國志潛山縣喬井喬元居此元二女孫策納大喬周
瑜納小喬

淇井井

豫章記南昌府厭原山有淇井飛流懸注其深無底舊
說淇厓先生井也

仙人井

潛確類書仙人井在無為州城北昔呂洞賓過此取飲
今石欄上有跪膝痕

聖井

又保定府定興縣有土井日夜泛溢為民患因建梵刹鎮之其泉即止元張柔淘井獲大土像淨瓶一至今泉溢不踰其限因名聖井又邯鄲縣南陽府裕州俱有聖井

薛濤井

又薛濤井在成都府錦江南岍舊名玉女津水極清冽製箋名薛濤箋寰宇記益州舊貢薛濤十色箋短狹纔容八行

韓公井

又襄州昭王井傳言服者死韓朝宗移書謝神自是飲者無恙人更號韓公井

橘井

神仙傳蘇耽白母曰某受命當仙被召有期母曰吾誰養耽曰明年大疫取庭前井水橘葉救之井在郴州杜甫詩郴州頗涼冷橘井尚淒清

崔婆井

類書常德府崔婆井宋時道士張虛白常飲酒姥崔氏

不責其償問姥所欲答曰江水遠不便汲道士指舍旁地堪為井掘不數尺得泉甘冽人爭市之家道日豐

鏡源遺照集卷六

須江張 均坦齋氏輯

新安吳映辰菊人氏校

人類

人身先後之序

淮南子精神訓萬物皆陰抱陽冲氣以為和一月而膏
二月而腠音經連 四月而肌五月而筋六月而骨七月
而成八月而動九月而躁十月而生五藏乃形肺主目
腎主鼻膽主口肝主耳天有四時五行九解三百六十

六日人有四支五藏九竅三百六十六節此先天也大
 戴禮本命篇人生不具者五日無見不能食不能行不
 能言不能化三月徹眇音田目貌家語作微煦然後能見八月生
 齒然後能食期而生臙然後行三年瞽音熙目童子精家語作瞶合
 合然後言十六情通然後能化陰窮反陽故陰以陽變
 陽窮反陰故陽以陰化是男八月生齒八歲而齟二八
 而化女七月生齒七歲而齟二七而化此後天之序也

黃小中丁

隋書人始生為黃四歲為小十六為中二十一為丁

生三日 滿月 百日

兒生三日之賀始北史高澄尙馮翊公主生兒為湯餅

會滿月為彌月見毛詩百日謂百晬覲見鑲華錄

文字周歲

今人作周歲者起于六朝顏氏家訓稱江南風俗兒生

一基用珍玩服用試之號曰試志

發身

俗稱兒年長能生育為發身按韓詩外傳男十六歲精
化小通小通者即發身也

面麻

袁枚云古醫書無痘症李時珍謂起于馬援征武溪蠻染此疾名虜瘡不名痘也攷文苑英華陳黯面瘡初脫見清源牧牧戲曰藻才而花貌何不咏之黯曰玳瑁應難比斑犀定不加天嫌未端正滿面與粧花似痘瘡見文字之始

酒刺

黃帝素問勞汗當風寒薄為皴註俗謂粉刺正字通紅暈似瘡著面鼻者曰酒皴即酒刺也

方頭

今人言不通時宜而無顧忌者曰方頭輟耕錄引陸魯望詩頭方不會王門事塵土空緇白紵衣

強項

李子田曰漢書董宣強項二字出素問岐伯曰諸頸強項皆屬濕宗錄日本國王子入博善慈帝命持項

愠羝

輟耕錄愠羝腋氣也
日賦訛頭把棍

日知錄明泰昌元年御史張潑上言京師姦宄叢集有謂之把棍者有謂之拏訛頭者拏訛頭始見此

對手

舊唐書宣宗紀日本國王子入朝善基帝命待詔顧師言與之對手按晉謝安傳安與元圍碁安常劣于元是日元懼便為敵手即對手也

西陽雜俎僧一行本不解奕因會燕公宅觀王積薪一局遂與之敵笑謂燕公曰此但爭先耳若念貧道四句

乘除語則人人皆國手

相打

俗以鬪毆曰相打本南史黃回傳回在宣陽門與人相打

不保

俗謂不禮人為不保本北史齊後主緯穆皇后之母名輕霄穆子倫婢也后既封以陸令萱為母不保輕霄

無賴

史記漢高祖紀始大人以臣為無賴

生活

梁書武帝檢視臨川王宏庫百餘間錢三億餘萬他物稱是謂宏曰汝生活大可此二字之初見史冊者然孟子已云民非水火不生活

半面

東觀漢記應奉詣袁賀賀閉門造車匠于閣內門扉半面視奉後數十年見車匠識而呼之今人云半面之識本此

染鬚

染鬚初見王莽傳莽染鬚髮以迎王后

顰鼻

俗以言不清亮者為顰鼻後趙錄王謨鼻顰言不清暢魏書王慧龍世顰鼻江東謂之顰王

鐵面

長編御史趙抃彈劾不避權幸號鐵面御史

剔齒

陸雲與兄書曰一日案視曹公器物牀薦度具梳篦剔齒皆在拭目琉璃筆一枝實以希聞

老子

老學菴筆記予見西郵俗謂父曰老子乃悟西人所謂大范老子小范老子蓋尊之為父也

公

今人稱其祖父曰公蓋本孔子弟子從遠方來問曰子之公不有恙乎次及父母見呂氏春秋

爺

說文吳人呼父為爺宋書王彧子絢六歲讀論語外祖何尚之戲曰可改耶耶乎文哉以郁乃其父嫌名也是六朝人但以爺呼父今通用為尊貴之稱蓋起于唐按通鑑駙馬輩直呼高力士為爺自此以後遂相沿為尊貴之稱如王爺公爺老爺所自來矣

爹爹

南史始興王憺刺荊州還民歌曰始興王民之爹赴急如水火何時復來哺乳我方言謂父為爹故云此爹爹之見于史者又宋人小說顯仁太后自金回高宗以龍涎沉腦灌燭內列數十枝白太后曰此燭愜聖意否太后曰爾爹爹每夜設數百枝上曰如何比得爹爹仇遠稗

史錢良臣自諱其名其子凡遇良臣字皆令避之一曰
讀孟子今之所謂良臣亦改云今之所謂爹爹古之所
謂民賊也聞者大笑此爹爹二字之見于書者

太太

今婦人貴者稱太太按漢杜鄴傳帝祖母定陶傅太后
稱皇太后後世太太之稱或本此

姐姐

西湖志餘吳太后初不以色幸自南渡以來每欲正六
宮之位以太后遠在沙漠不敢舉行上曰候姐姐歸汝
其遷矣說文蜀人呼母曰姐今呼女兒曰姐自漢始

妹妹

北史齊南陽王綽傳綽兄弟皆呼婦為妹妹今唯稱女
弟為妹妹路史注桀得妹喜以妹妹目之

哥哥

今人呼兄曰哥哥亦有本西王母授武帝五岳真形圖
帝拜受王母命其侍者曰四非答哥哥

伯

婦人呼夫之兄為伯由來已久五代史補李濤弟澣娶

婦竇氏出參濤濤答拜澣曰新婦參阿伯豈有答禮蓋爾雅稱夫之弟爲叔則夫之兄亦可稱伯也

學生

父稱子曰學生本宋陳省華對客堯叟堯佐堯咨列侍客不安省華曰學生列侍常也

郎君

吳斗南云漢制二千石以上得任其子爲郎故謂人之子弟爲郎亦曰郎君

小姐

宋閨閣女稱小娘子小姐乃賤者之稱錢惟演云營王宮人韓小姐謀放火私奔此宮婢稱小姐也夷堅志傳九與散樂林小姐約竊逃不得此妓女稱小如也今以之稱宦家女矣

小生

漢朱雲傳雲罷官過薛宣宣曰君且留我東閣可觀四方奇士雲曰小生乃欲相吏耶小生之名始此其以之自稱者唐李冰篆書謂斯翁之後直至小生

晚生

晉書戴淵弟邈請立學校疏曰今後進晚生目不覩揖讓之儀其以自稱不知何時知新錄云嘉靖丙戌刑部趙公乃費閣老同年每投謁必書年晚生此近代之見于記載者也 陔餘叢考

眼子

俗詈妄大人曰眼子本輪人望其轂欲其眼也註眼出大貌

可憐兒

俗稱可憐兒按元史英宗赦書有四個大幹耳朵扶立了兩個哥哥可憐兒嫡孫裕宗皇帝長子等語 子才隨筆

帶來子

左傳崔杼娶東郭姜以其孤入今之帶來子也

寄子

今人恐子不育寄他人家始于漢靈帝寄子史道人家

義兒

五代史義兒傳唐起代北其所俱皆雄武之士往往養以為兒號義兒軍

門生乾兒

唐內侍李輔光墓志稱門吏晉州司法參軍楊復光有假子數十人明季拜宦官爲門生爲乾兒本此

乾阿嬭

北齊恩倖傳穆提婆母陸令萱嘗配入掖庭後主襁褓中令其鞠育謂之乾阿嬭此後世乾阿嬭之始卽今之奶媽乾娘也

醫

說文巫彭初作醫呂氏春秋岐伯祖世之師曰僦貸季上古醫曰苗父應邵曰黃帝時醫有岐伯俞拊

祝由科

袁子才曰今有祝由科以符呪治病見南史薛伯宗徙灘樹上爲祝由科見史傳之始

醫生稱郎中

顧寧人謂起于宋時按夷堅志趙珪本上官彥成之隸粗得醫術人稱趙三郎中

剃工稱待詔

黃省曾吳風錄張士誠走卒廝養皆授官爵至今呼椎油作麪傭夫爲博士剃工爲待詔以此又石屋語錄時

有某大夫官待詔每每施剃于衆僧石屋止之曰大夫只管來求福我福如何有許多乃訛以傳訛遂稱剃頭爲待詔矣

剃頭

東觀漢記馬援征潯陽山賊上書曰除其竹木如小兒頭多蟻蝨而剃之蟻蝨無所附上悅因赦小黃門頭有蝨者皆剃之此剃頭之始見者

道士

元和郡縣志穆王召幽逸人爲道士以大夫尹喜宅爲

樓觀此道教所始

和尚

魏書釋老志佛圖澄爲石勒所宗信號大和尚按翻譯名和尚梵本正名烏波遮迦傳至于閩國翻爲和尚此僧稱和尚之始六朝前亦稱道人如支道人之類事物紀原漢明帝遣蔡愔天竺訪僧見摩騰乃要還漢地此中國有僧之始史畧明帝聽陽侯劉峻出家此中國人爲僧之始

釋氏

僧稱釋氏自釋道安始道安謂佛氏釋迦今為佛子定
从釋氏

尼姑

漢劉峻女出家又洛陽婦阿潘出家乃尼姑之始

黠計

揚子方言俗謂同本合謀曰黠計

漢子

北史魏澹子愷遷青州刺史固辭文宣怒曰何物漢子
與官不就此二字見史冊之始

了頭

了頭二字見劉賓客詩曰花面了頭年十四春來綽約
向人時

老的

元宗本紀以阿伯等田宅賜諸王老的等六人老的二
字始此

小底

今奴僕自稱小底見晉公談錄劉承規在太祖時為黃
門小底金史海陵召藥師奴為小底逆臣贊金人謂寢

殿小底即周之綴衣非今之小底也

家生子

漢陳勝傳秦令章邯免驪山徒人奴產子注奴產子猶今之家生奴也輟耕錄引為家生子之據

混號

呂氏春秋簡楚篇夏桀號移大犧謂其多力能推牛倒也此混號之始

奴才

晉劉淵罵成都王穎曰穎不用吾言遂自奔潰真奴才也疑為罵人奴才之始

小兒曹

耿弇傳弇求歸發兵帝笑曰小兒曹乃有大意哉

一竅不通

俗笑人頑頓為一竅不通本呂氏春秋孔子曰此人若一竅通則不死矣

牢石

漢佞倖傳牢耶石耶印何纍纍綬何若若耶吳語厭惡其人嗔之曰牢石本此

王八

五代史王建少無賴以屠牛盜驢販私鹽為事里人謂之賊王八又明人小說謂之忘八謂忘禮義廉恥孝弟忠信八字也

崽子

水經注嬰童卅女弱年崽子崽音宰今罵頑童曰崽子本此

老鴇

鴇性淫逢鳥必與之交故字七十鳥為鴇今人呼妓母為老鴇以此

畜生

後漢劉寬傳坐客罵蒼頭曰畜生寬遣人視之曰此人也被罵畜產吾懼其死也此畜生之名所由始也

樂戶

魏書齊神武秉政有司奏盜殺人者首從皆斬妻子配為樂戶此樂戶之名之始見史冊者

雜種

後漢書西羌傳滇零等招集諸雜種晉書燕載紀曰蠢茲雜種此雜種之名所由始也

牛男

牛男半女號博父半釋迦見佛書心房二星形兼雌雄靈狸一體自爲陰陽見博物志

縱淫爲龜

王阮亭池北偶談謂諱龜自明始明人闡莊駒陰冗記三山士人鄭唐好訛謔嘗爲一老人題眞容曰精神炯炯老貌堂堂烏巾白髮龜鶴呈祥有人橫讀之乃精老烏龜也老人遂毀之此明人諱龜之證又輟耕錄秀州多故家其子孫不肖有金方所作詩嘲之曰宅眷多爲撐目兔舍人總作縮頭龜撐目兔謂望月而孕以見其不夫而妊也縮頭龜則喻其夫也想其時已有此諺語而入之詩也

大頭蝦

陳白沙集客問鄉訊不能儉以取貧者曰大頭蝦何謂也予曰蝦有挺鬚瞪目首大于身集數百尾烹之未能供一啜之羹者名大頭蝦豐乎外餒乎中如人之不務實者然鄉人借是以明訛義取此歎

夫而致此辭願離限其夫必感其報曰齊北齊時
則曰必美客問厥應不始愈以如魯魯曰大國與河
大應馳

而人之精也

鏡源遺照集卷七

須江張 均坦齋氏輯

新安吳映辰菊人氏校

勾當

李治敬齋古今註勾當二字自唐有之德宗時神策軍
又特置監勾當至宋以避諱改勾當為幹當呂種玉言
鮪勾當者幹當事也

幹

俗問人作事曰何幹曰貴幹本書多士篇爾厥有幹有

年于茲洛注幹事也易貞者事之幹也又貞固足以幹事

爭氣

本荀子爭氣不可與辨

打跽

鄭注周禮奇拜為屈一膝疑即今之打跽金疊子謂奇拜為今之一叩非打跽也後漢高句麗在遼東之東跪拜曳一足此打跽之始

利市

俗語利市亦有本易巽為近利市三倍左傳爾有寶貨利市我勿與知

筮人以錢代著

古史考包犧氏作始有筮朱子語類今人以三錢當揲著用甲子起數始于京房

卜人

周禮太卜掌三兆之法一曰玉兆二曰瓦兆三曰原兆杜子春注玉兆顓頊兆瓦兆帝堯兆原兆周兆也則龜卜始于顓頊矣

相士

左傳叔服來聘公孫敖問其能相人見其二子焉又令尹子文謂越椒熊虎之狀豺狼之聲則此術春秋前已有之物原伯益始相獸史佚始相人

揣骨相

唐貞元末相骨山人以無目故逢人以手捫之必知貴賤見太平廣記此揣骨相之始

巫

周禮有司巫男巫女巫巫諸職離騷巫咸將夕降兮注巫咸古神巫也則巫之由來久矣

星士

史記日者傳司馬季主曰世皆言卜者虛高人祿命以說人志此言祿命之始

筭命

漢書書曰數所以筭事物性命之理也注逸書也此筭命二字見書冊之始

瞽星士

續癸辛雜識永嘉術者陳獨步瞽而善記客來聞聲即

知爲何人台庚乃某年某月日時略無一差是瞽人筭命晉時已有之

占夢

黃帝夢大風而得風后夢人執弩驅羊而得力牧其見于經者高宗曰夢帝賚予良弼周官太卜掌三夢之法而占夢爲一官後遂有占夢之術

測字

後漢書公孫述夢人告曰八公子系十二爲期述以爲公孫當貴之兆遂稱帝蔡茂傳夢坐大殿上有三禾茂得中穗又失郭賀曰于字禾失爲秋乃所以得祿也此測字之始

研光

晉佛圖澄傳劉曜攻洛陽石勒以訪澄澄令一童子潔齋七日取麻油合臙脂躬自研于掌中舉手以示童子粲然有光童子驚曰見一人長大白皙以朱絲縛其肘澄曰此曜也勒悅遂距曜生擒之此後世研光之始

堪輿家

堪輿家實始于郭璞若後漢袁安傳所謂三書生及葬

經所稱青烏子皆無名氏安知非後人僞託乎至有引詩相陰陽觀流泉及孝經卜其宅兆以爲其術之肇端不知相陰陽者如周禮之辨方正位耳觀流泉者視水泉之有無爲飲食計耳卜宅兆者古大事皆用龜卜示敬也皆非後世地理之說也

漁

尸子燧人氏之世天下多水始教人漁漢書志太昊作罔罟以佃漁取犧牲故號炮犧氏

戶長

五代史周行逢武陵農家子少貧賤及官武陵夫人嚴氏曰公思作戶長時乎戶長之名始此

保長保甲

宋史兵志王安石行保甲十家爲保選有幹力者一人爲保長按周官大司徒五家爲比比有長遂人四里爲鄙有長皆所以掌其戒令而弭盜之政寓焉此後世保甲之所由昉也

笑面虎

談藪王公衮性和平居常若嬉笑人謂之笑面虎今人

稱人為笑面虎始此

擊肘

呂氏春秋宓子賤令吏二人書吏方將書子賤從旁掣搖其肘今人云掣肘始此

欺負

李翊俗呼小錄見陵于人為欺負

不夠音構

今人稱不足為不夠本魏都賦繁富夥夠李善注夠多也

冷笑

北史崔瞻傳詔議三恪之禮魏收為一議朝士皆同瞻別立異議收讀訖笑而不言瞻正色曰瞻議若是須贊其所長若非須詰其不允何庸讀國士議直此冷笑

平人

俗謂無功名者曰平人按揚雄傳雖頗割其三垂以贍齊民如淳注齊等也無有貴賤故謂之齊民若今言平人則如淳時已有平人之稱

傳錦囊

俗以妙計語人曰傳錦囊李太白別元丹邱詩我有錦囊訣可以持君身按仙人秘書俱以錦囊盛之語妙計如授仙訣耳

管中窺豹

晉書王獻之年數歲觀門生樗蒲曰南風不競門生輩曰此郎亦管中窺豹時見一斑

好漢

舊唐書則天問狄仁傑曰朕要一好漢有乎仁傑曰荊州長史張柬之雖老宰相才也

鐵漢

駭聞錄李遵懿仕蜀有婦慙太祖平蜀以瓊頭箭射之中其腹李不動後握兵江漢號鐵漢

癡漢

事類合璧吳衍醉忤權貴遂戒飲阮宣令飲衍曰近斷飲宣以拳毆其背曰老癡癡漢忽斷杯中物耶

鈍漢

五代史司空顛傳張彥之亂命判官王正言草奏正言汗流浹背不能下筆彥怒推正言下榻詬曰鈍漢辱我

風漢

玉泉子劉蕡對策直言中官仇士良曰柰何放此風漢及第耶

能幹

後漢循吏傳孟嘗清行出俗能幹絕羣

材幹

史記淮南王謂伍被曰大將軍何如人對曰材幹絕人未易當也

注大將軍衛青

獻芹

稽康與山濤書野人有快炙背而美芹子者欲獻之至尊雖有區區之意亦已疏矣今俗訛人獻芹以此

酒囊飯袋

荆湖近事馬氏奢僭文武之道未嘗留意時謂酒囊飯袋

喜信

開天遺事新進士及第鄉曲親戚例以聲樂相慶謂之喜信

家信

北史劉璠在淮南母在建康遭疾璠一日舉身楚痛尋而家信至云其母病璠即號泣戒道

招子

尋人招子曰零丁謝承後漢書戴良傳有失父零丁即今之招人帖子也

戳包兒

京師婦女嫁外方人初看時以美者出拜臨娶以醜者易之名曰戳包兒過門信宿盜其所有遠去者名拿殃兒菽園雜記

響馬

京師南固安永清霸州等處屯軍雜居人性驕悍往往邀路劫財輒奔散不可獲號放響馬賊劉七等嘗因內官劉瑾混入豹房及為甯梟所逼遂聚眾拒捕後瑾誅梟亦繫獄因作亂繼世紀聞

白蓮教

王森原名石自然薊州皮工也路遇妖狐為鷹所搏求救于森森救之狐傳以妖香凡聞此香心即迷惑妄有所見森依其術創為白蓮教自稱聞香教主立大小傳

頭會道名色此牽彼引蔓延于京東西山南山西河南
陝西四川六省不下二百萬人撮合俚言謊說刊作經
文分授生徒萬歷四十七年死于獄

說畧箋

對食

明制直房內官與司房官人俱有伉儷謂之對食又謂
之菜戶若強作伉儷者稱白浪子

日下舊聞

拜香

燕京祭岳廟男婦有跪拜而行者名曰拜香

宛畧雜記

陶

尸子桀臣昆吾作陶汲冢周書神農作瓦器

冶

尸子蚩尤作冶

剪絡

堯山堂外紀徽宗誚唐臯詩狀元必在荷包裡爭奈京

城剪絡多

扯淡

西湖志杭人言胡說曰扯淡

音耗

日知錄今以音問為耗起自後漢書章德寶皇后紀家既廢壞數呼相工問息耗注息耗猶言善惡也愚按董仲舒賢良策察天下之息耗則不自後漢始也

出氣

趙翼曰俗以泄憤為出氣北史作叱氣荀濟謀誅高澄事敗楊愔曰遲暮何為然濟曰叱氣耳

快手

日知錄快手之名起自宋書王鎮惡傳快手復有二千餘人

劊手

主刑者名劊手宋史楊簡知温州以郡將違節制劊手兩行夾立數其罪斬之

長功短功

唐百官志工匠四月至七月為長功二三八九月為中功十月至正月為短功此長短功之初見史册者但今以一歲為長功數日為短功耳

蒼頭稱將軍

野客叢書今呼蒼頭為將軍本彭寵為奴所縛謂妻曰

趣爲將軍治裝注呼奴爲將軍欲其赦已也然觀陳勝
傳將軍呂臣爲蒼頭軍又前漢鮑宣傳蒼頭廬兒注漢
名奴爲蒼頭又後漢注秦人呼爲黔首謂奴爲蒼頭者
以別于良人又國策魏有蒼頭軍二十萬又知蒼頭之
名不始秦也

強團練

楓窻小牘臨安諺語凡見人不下禮呼曰強團練長老
云錢王攻常州執其團練使趙仁澤見王不拜王怒以
刀抉其口至耳丞相元德昭云此強團練宥之足以勸
忠以藥附劊送歸唐故至今爲美談

差

趙翼曰官府遣役曰差詩云旣差我馬毛傳差擇也謂
擇取強壯者遣人曰差蓋揀擇其人可應役者耳唐宣
宗詔凡役事委令輪差

麻胡

今人呼麻胡來以怖小兒朝野僉載云僞趙石虎呂麻
將軍秋帥師秋胡人暴戾好殺國人畏之有兒啼母輒
恐之曰麻胡來啼卽絕又大業拾遺云煬帝令將軍麻

祐濬阪虐用其民百姓惴慄呼麻祐來以恐小兒轉祐為胡又會稽錄載會稽有鬼號麻胡好食小兒腦遂以恐小兒

捉鬼賣

俗言捉鬼賣亦有所本搜神記南陽宗定伯夜行忽逢一鬼鬼問伯為誰伯曰吾亦鬼也遂為侶向宛行倦因相擔問鬼曰鬼何畏曰不喜唾耳將至宛便擔鬼置頭上詣宛市鬼化為羊伯恐其變遂唾之因賣得錢千五百

五遁

淮南子流遁之所生者五或遁于木或遁于水或遁于土或遁于金或遁于火

犯土

搜採異聞錄世俗或小遭疾厄皆云犯土按後漢書安帝時皇太子驚病嬖幸乳母野王君王聖舍太子厨監邴吉以為聖舍新繕修犯土禁不可久御則自古有其說矣

沒答颯

宋書鄭鮮之傳范泰謂鮮之仕宦不及傅亮謝晦曰今日答颯去人遼遠此答颯二字之初見史冊者

料理

李冶敬齋古今齷料理之語見于世說者三韓康伯母聞吳隱之兄弟居喪孝語康伯曰汝爲選官當好料理此人王子猷爲桓冲車騎參軍冲謂子猷曰卿在府日久比當相料理衛展在江州故舊投之都不料理料理者蓋營護之義今俗所謂照顧覷當耳

斲喪

陔餘叢考人耗精神於酒色者曰斲喪見左傳齊陳瓘過衛仲由見之曰天或者以陳氏爲斧斤旣斲喪公室而他人有之未可知也

屎尿

出恭

小便溲溺

莊子知北遊道在屎尿屎本作矢左傳文十八年埋之馬矢之中尿奴弔切說文小便也神仙傳王安坐起不恭主者奏安不敬謫守廁今人以入廁爲出恭疑本此又後漢甘始傳甘始東郭延年封君達皆方士或飲小便或倒懸愛嗇精氣此小便二字之見于史者又史記

沛公不好儒客有儒冠來者輒解其冠溲溺其中

沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中
沛公不好儒客有儒冠來者輒解其冠溲溺其中

鏡源遺照集卷八

鏡源遺照集卷八
鏡源遺照集卷八
鏡源遺照集卷八
鏡源遺照集卷八
鏡源遺照集卷八
鏡源遺照集卷八
鏡源遺照集卷八
鏡源遺照集卷八
鏡源遺照集卷八
鏡源遺照集卷八

新安吳映辰菊人氏校

政典

詔制

詔者古人上下通用左傳欒伯曰變之詔也秦漢以下
始天子獨用之史記始皇并天下李斯等議命為制令
為詔

誥敕

誥敕爲君上之詞本漢制文心雕龍漢初定儀命有四品一策書二制書三詔書四戒敕正字通古者上下有誥如湯誥仲虺之誥康誥召誥等秦廢古稱制詔漢武元狩六年始作誥唐稱制不稱誥宋始以誥命庶官明洪武二十六年定一品至五品皆授誥命六品七品皆授敕命

旨

旨字古亦上下通用甕牖閒評本朝君相曰聖旨鈞旨太守下曰台旨又次曰裁旨則宋時猶上下通稱正字通凡天子諭告臣民曰詔旨下承上曰奉旨似元明始專以爲君上之稱

功令

史記儒林傳余讀功令至廣厲學官此功令二字之始

令甲

史記年表長沙王王者著令甲稱其忠焉漢書有令甲令乙令丙若今之第一第二第三也

稱朕

古者貴賤皆稱朕屈原曰朕皇考曰伯庸秦始皇二十

六年定爲至尊之稱漢後皆因之

陛下

天子稱陛下自秦始皇始始皇本紀今海內賴陛下神靈一統皆爲郡縣

五禮

孔穎達以伏羲造皮爲嘉禮始神農播穀飲食爲吉禮始黃帝有戰有葬有宮爲軍賓凶始

荒政積貯

周官大司徒以荒政十二聚萬民此荒政之權輿也遺人廩人掌委積以備凶荒此積貯之權輿也平糶始于魏李悝漢耿壽昌仿之立常平倉隋長孫平始設義倉朱子因立社倉按隋食貨志開皇十六年正月詔秦豐等州社倉並于當縣安置唐書武德元年九月置社倉社倉之由來久矣又韓琦建廣惠倉明初置預備倉周忱建濟農倉至和糶之法說者謂起于唐元宗不知魏書食貨志收內郡兵資與民和糶積爲邊備則不始于唐矣至宋熙寧以來和糶入中之外又有坐倉博糶洩糶兌糶括糶勸糶均糶等名

漕運

三代以前無漕運也漢都關中用蕭何計戶轉漕始有漕運之名然吳開邗溝自江達淮以通糧道秦穆公輸粟于晉漕運已昉于此

至聖冕服

唐開元中尊孔子為文宣王內出王者衮冕服衣之令

用九旒宋崇寧四年改十二旒服九章

丁祭

祭孔子用丁日蓋本月令仲春上丁命樂正入學習舞

釋菜鄭注用丁者文明之象

行香

南史何尚之設八關齋集朝士行香此行香見史傳之始改齋漫錄以焚香見漢武祭天人故事三國志交州太守張津焚香讀道書于吉焚香禮拜雲麓漫抄曰易柴燎為焚香者二氏之說也故朱子極言其非古

關防

隋書酷吏傳庾狄士文為貝州刺史凡所住宿皆封署其門禁家僮无得出入名曰關防

邸報

潛邱劄記以邸報二字見唐人詩話韓翃除駕部郎中事不知孫可之有讀開元邸報記一篇是開元時早有邸報之名

關節

周禮司關以節傳出之註如今之舖遞也唐段文昌奏文宗曰今年子弟科目多以關節得之

幸

史記文帝紀注蔡邕曰天子車駕所至臣民以為僥倖故曰幸

斷屠

袁子才云斷屠始於唐見刑法志武德二年詔斷屠不行刑會典云每年正月五日也然隋書仁壽二年詔曰六月十三朕生日海內為武皇帝后斷屠則不始于唐矣

券契

史記田敬仲世家蘇代說田軫曰公常執左券以責于秦韓又平原君傳虞卿操其兩權事成操右券以責券

欽定通志卷八
者取其合符之義古人尙右右券乃操自人與者左券
乃操自我出者余按契券最古易上古結繩而治後世
聖人易之以書契周禮宰夫掌官契以治藏質人掌稽
市之書契小宰聽取予以書契是也

契印

宋史元絳知永興縣豪子龍聿誘少年周整博而取其
田周母告官官驗有母手印存弗受及絳至母又訴絳
視券呼聿曰券年月居印上是得周母他牘尾印而撰
偽契續之耳聿駭伏高宗建炎五年始令諸州印賣田
宅契紙自今民間爭田執白契者勿用載食貨志

稅契

六朝田宅文契率銀一萬輸估四百入官賣者三百買
者一百名爲散估似卽今之稅契也

合同

周禮小宰聽稱責以傅別註借券曰傅着于文書別爲
兩兩家各得其一是合同也

子才隋筆

加耗

後唐明宗入倉觀受納主吏懼責其多取乃故爲輕量

明宗曰倉廩宿藏動經數歲若取之如此後豈免拆閱乎吏因訴曰自來主倉者爲價欠故以至破家竭產明宗惻然乃詔曰令每石取二升爲雀鼠耗至今行之所謂加耗者是也全上

羨餘

周禮凡起徒役無過家一人以其餘爲羨此後世羨餘二字之所由始然漢以前平準書中無此名色唐開元八年宇文融括籍外羨田張虛數以正田爲羨編戶爲客歲終籍錢百萬緒德宗時杜亞李綺等俱以常賦入

貢名爲羨餘全上

頭會

頭會箕歛出賈誼傳謂以人頭數出穀以箕斂之也

舡稅陸地稅巡攔

宋神宗元豐三年瓊管奏海宇收稅較舡之丈尺謂之格納此舡稅也志又言添置專攔奴檢遇士大夫行李則搜囊發篋甚者貧民貿易于村落指爲漏稅而加罪焉專攔者今之巡攔也貿易村落之稅今之陸地稅也全上

鹽鐵

管子官山府海煮海爲鹽男子女子食鹽若干未聞有商運之說賈復傳迎鹽河東第五倫傳載鹽太原始有商運之意漢百官志有鹽官蓋商運而監之以官也張林欲官鬻之而尙書朱暉自繫于獄此與昌黎駁張平叔條奏相同魏書食貨志孝文弛鹽禁而豪占者多乃仍立竈置官宋慶厯時欲弛鹽禁而范文正公不可則私鹽之禁舊矣鐵稅亦始于管子鍼刀耒耜之籍

訪拿訟師

始于子產治鄭鄧析務難之與民之有獄者約大獄一衣小獄襦袴而學訟者不可勝數子產患而殺之見呂覽

抄家

抄家不實始于許廣漢搜上官桀家遺失繩索于枚得罪見本傳

緊急文書

今文書日行六百里以爲至速也按趙充國在金城上書在六月戊申而七日甲寅璽書下矣從金城至長安

一千四百五十里往反倍之中間更下公卿議而來往只七日

鷄毛文書

今緊急文書必插鷄毛見光武本紀注中又見魏武奏事

籤押

今外官判文書曰籤押按南史故事府州論事皆籤前書其所論之事後云謹籤月日故王府記室曰典籤通雅云今吏書承行以紅籤帖其旁以便批決故曰籤押

移文

今文書平衡者號移文事物紀原以為始于劉歆移太常博士

三尺法

秦人以竹簡三尺書其法令號三尺法

國忌停刑

唐太和七年敕國忌日禁飲酒舉樂官曹不得決斷刑獄見舊唐書

仰

今官府文以上臨下皆用仰字北齊書孝昭詔定三恪禮儀體式亦仰議之用仰字始此 仰資也

大銓選

古無銓選也漢成帝二年立常侍曹尚書一人主公卿之選二千石曹尚書一人主郡國之選選法始起

摧酷

漢武帝元狩六年始摧酒酷

摧茶

唐德宗建中元年納戶部侍郎趙贊議稅天下茶漆竹

木十取其一茶稅始此

屯田

屯田起于楚莊王伐宋築室反耕者

請安

左傳昭公遜于齊齊侯將享之子家子曰朝夕立于朝何享焉乃飲酒使宰獻而請安二字始見此

借俸

舊唐書武宗紀會昌二年二月中書奏選官多京債到任填還致其貪求罔不由此今請令得官者許連狀相

保戶部各備兩月加給料錢至支時折下所冀初到官任不帶息債可責清廉從之此預借俸錢之始也

給致仕祿

漢書石奮以上大夫祿歸老于家周仁以二千石祿歸老張歐請免天子亦寵以上大夫祿歸老至平帝詔天下吏二千石以上年老致仕者三分其祿以一與之終身始著為令

時政記

唐永徽後左右史惟對仗承旨仗下謀議不得聞姚璹以帝王謨訓不可闕記請仗下所言軍國政要責宰相自撰號時政記以授史官時政有記自此始

清慎勤匾

趙耘嵒曰各衙署訟堂多書清慎勤二字作匾額此本之世說註李秉家誠曰昔侍坐于先帝時有三長史俱見臨辭出上曰為官長當清當慎當勤修此三者何患不治乎此三字所本

滴血

又云驗屍有滴血之法按南史孫法宗以父被孫恩戕

于海盜乃沿海尋求聞世間論是至親以血遞骨悉凝
浸乃操刀見枯骸則刻肉灌血然則滴血之法起于六
朝歟

旌表

尚書畢命云旌別淑慝表厥宅里則旌門之典應自周
始

封贈

洪景盧云封贈先世自晉宋以來有之至唐始備然惟
一品乃贈其祖餘官只贈父耳至權德輿爲檢校吏部
尚書興元節度使表納檢校吏部尚書請回贈其祖惟
詔不許納官而贈惟爲尚書禮部郎中此後馳贈之始
也又舊唐書崔樞陳情表云亡父嬰甫是臣本生亡伯
祐甫是臣承後嗣襲雖移孝心則在請以在身官秩特
乞回贈本生詔贈嬰甫吏部侍郎此回贈之例又推及
本生者也至唐李德裕奏乞回贈其兄德修詔贈禮部
尚書劉總奏請追贈其外祖張懿詔贈工部尚書宋王
會歐陽修皆回贈其叔父母是又恩例之出于祖父外
者也

治河下埽

漢書成帝時河決金堤灌四郡帝拜王延世河堤使者治河以竹落長四丈大九圍盛以小石兩船夾載而下之三十六日堤成此治河下埽之始

海防

戴氏鼠璞舟師始于吳越惟曹劉吳赤壁大戰南北分境仗以防江建炎南渡始有海防之說

登聞鼓

雲谷雜記唐顯德五年有抱屈人齎鼓于朝堂訴遂令

東西都各置登聞鼓自此始

宮人引百寮

西陽雜俎今閣門有宮人垂帛引百寮或云自則天或云因後魏據開元禮疏曰晉康獻褚后臨朝不坐則宮人傳百寮拜

獵

尸子處義之世天下多獸故教人以獵此佃獵之始

大計

周官太宰三歲則大計羣吏之治而誅賞之此後世大

計之始

貼黃

趙雲嵩云今刑部及督撫題刑名本例有貼黃以篇幅繁多節其略別爲一幅貼于本後便觀覽也按唐本有貼黃之制乃詔敕所用葉石林云唐降敕皆黃紙有更改以黃紙貼之謂之貼黃宋奏劄皆白紙意有未盡以黃紙貼于後亦名貼黃是宋之貼黃已與唐異而今之貼黃又與宋異宋主乎詳今主乎略也且今奏疏用白紙貼黃亦用白紙則似宋之撮白矣

未葬親不許入仕

晉書載記常煒言魏晉之制祖父未葬者不聽入官唐書顏真卿劾奏朔方令鄭延祚母死不葬三十年詔終身不齒周廣順中詔親未葬者不許入仕宋史劉綜奏請父母未葬者請告營辦審官按狀明言父母已葬方許依例考課違者并罷其官從之劉曷傳曷與弟煥皆侍從坐親喪未葬奪職又道山清語孫莘老入相坐父死不葬未及一年而罷可見宋時此禁甚嚴

答

漢刑法志文帝除肉刑以笞代劓刑景帝又遞減笞數
詔定笞令笞長五尺用竹其本大一寸末薄半寸皆平
當笞者笞醫毋得更人蓋先時笞背也唐書宇文審以
夏楚無大小之制始制杖架以高庳度杖長短此後世
頭號二號之始也按書曰扑作教刑此笞杖之始

夾棍

知新錄夾棍起于宋理宗時以木索並用夾兩股名夾

幫

搜音贊入聲俗音斬

拶見于莊子罪人交臂歷指註即今背剪拶指也

桎梏

廣韻桎梏紂所作

鎖

寰宇記禹鎖水神無支祁則鎖亦製自上古或作鎖

獄

白虎通三王時始有獄夏曰夏臺商曰羑里

保辜

公羊襄公七年鄭伯髡原如會卒于操為大夫所弑也

傷而反未至舍而卒何休注何以不書弒在保辜限外也此保辜之始

火耗

文獻通考尚書省言崇寧監鑄御書當十錢每貫重一十四斤七兩用銅九斤七兩二錢鉛四斤一十二兩六錢錫一斤九兩二錢除火耗一斤五兩每錢重三錢

履歷

魏書源子恭傳時有亡人許周偽稱梁黃門侍郎子恭疑之表云據其履歷清華則家累應不輕今來歸化何

其孤迴履歷二字始此

罰俸

唐制品官流罪以下聽贖由笞十贖銅一斤遽加但云贖不云罰宋刑法志有奪俸一月之文金史刑志始云罰俸一月

脫鞞

唐書憲宗時華州刺史崔戎徙兗海沂密觀察使民擁留于道不得行乃休傳舍民至抱持取其鞞戎夜單騎去俗傳班超脫鞞今超傳無此事應自戎始

鏡源遺照集卷九

須江張 均坦齋氏輯

新安吳映辰菊人氏校

京官

宗人府

初學記宋百官春秋云周封建宗盟選其宗中之長而董治之謂之宗正成王時彤伯入為宗正是也秦漢因之續文獻通攷曰明太祖改大宗正院為宗人府

丞相宰相相國

應邵風俗通黃帝得六相而天地治秦悼武王始置丞相官始皇立尊呂不韋為相國則丞相相國皆秦官漢成帝綏和元年御史何武建言今政事煩多宰相之才不能及古宰相之稱始此按數宗並廢其宗中之是而

相公

宰相稱相公始于王粲從軍詩曰相公征關右時曹操為丞相也

大學士

袁子才隨筆李泌傳肅宗加集賢殿崇文館大學士泌言學士加大始于張說已不敢當愚按舊唐書李適傳中宗景龍二年修文館置大學士四員以李嶠宗楚客趙彥昭韋嗣立為之此大學士之始也

協辦

又云今協辦大學士即唐之同平章宋之參知政事也

學士

又云蕭梁有壽光殿學士之號為學士之始愚按裴松之三國志注正始中詔議園丘普延學士是曹魏已有學士之稱

尚書

初學記云按尚書秦置也漢因之故尚書為中臺謁者為外臺御史為憲臺謂之三臺漢明帝詔曰尚書古之納言

郎中

通典云隋煬帝三年於尚書都省初置左右司郎二人唐貞觀二年改為郎中龍朔二年改為左右丞按國策荆軻刺秦王時諸郎中執兵者皆在殿下史記趙高為郎中令是郎中本秦官不始於唐也

侍郎

漢書百官表曰郎掌守門戶出充車騎有議郎中郎侍郎郎中皆無員各千人後漢百官志侍郎三十六人主作文書起草而已至唐百官志侍郎二人正三品朝廷大政叅議焉其權始重

員外郎

武后永昌九年始置員外郎與郎中分掌曹務

中書

通典曰中書省自魏晉始按漢舊儀云漢舊置中書官

領尙書事此中書官之始

中書舍人

通典曰魏置中書通事舍人或曰通事舍人各為一職
晉江左乃合之

侍中

通典曰侍中者立政篇所云常伯卽其任也秦為侍中
晉志云黃帝時風后為侍中此出於識緯之文不足徵
也

黃門

通典云秦官有黃門侍郎凡禁門黃闥故曰黃門初秦
漢別有給事黃門之職後漢併為一官

翰林院

文獻通考曰唐太宗時召名儒學士草制猶未有名號
元宗初置翰林待詔

翰林學士

通考曰翰林學士唐開元二十六年置

侍讀

子才隨筆唐明皇無人問古盧懷慎薦馬懷素為侍讀

此侍讀見史傳之始

侍講

通考曰漢顯宗時張酺數侍講於御前又舉楊賜侍講於靈帝華光殿中然未以名官至唐開元十三年始置集賢院侍講學士

修撰

合璧事類曰唐初令狐德棻請修近代史遂命修撰名始於此

元史張起巖延祐乙卯進士第一特旨授集賢院修撰此狀元授修撰之始

編修

合璧事類宋太平興國八年以楊文舉為國子監丞史館編修明始屬翰林院

檢討

宋淳化二年以郭延澤董元亨並為史館檢討明屬翰林院

庶吉士

蓋本于周之庶常吉士續文獻通攷明初稱中書六科庶吉士十八年又有翰林院承勅監庶吉士永樂二年始定為翰林院庶吉士

起居注

通典曰周官有左右史記言事蓋今起居注之本漢武帝有禁中起居後漢馬皇后撰明帝起居注則漢為女史之任魏晉則著作掌之其後皆近侍之臣記錄焉元世祖始以翰林待制兼起居注

孔目

續文獻通考洪武十八年定正翰林院官有孔目典文移出入典籍勾輯圖書按元已設典籍

中書五經博士

又五經博士專講經義

譯字官

翰林記洪武十五年命侍讀火原潔譯蒙古字譯字官隸翰林始此

鑾坡

石林燕語俗稱翰林學士為鑾坡蓋唐德宗移學士院

于念鑿坡故也

給事中

通典曰秦置給事中漢因之

御史

御史周官有之掌贊書非今任也至秦漢始為糾察之任秦置御史大夫又察理諸郡謂之監察御史魏置殿中御史晉置檢校御史隋改為監察御史

太常

通典今太常即唐虞伯夷典禮兼變典樂之任秦改曰

奉常漢曰太常欲國家盛太社稷常存故名

大理

又曰大理本皐繇作士正五刑之任秦為廷尉漢因之景帝中元六年改名大理愚按韓詩外傳晉文侯使李離為大理則周時已有之不自漢始也

光祿

又曰秦有郎中令掌宮殿掖門戶漢因之武帝更名光祿勳至北齊兼掌膳隋唐則全掌餽膳

太僕

齊職儀云太僕周官也為衆僕之長曰太僕秦漢因之掌輿馬

鴻臚

通典曰周官大行人掌大賓客之禮秦有典客掌諸侯及蠻夷漢改為鴻臚

辨釋名曰鴻大也臚陳序也大以禮序賓客掌導護贊拜

國子監祭酒

周禮師氏以三德三行教國子通典曰孫卿在齊為三

老稱祭酒

胡廣曰凡官名祭酒皆其位之元長古者賓得主人酒饌則老者一人舉酒祭地故以祭酒為稱漢侍中魏散騎常侍漢吳王濞為劉氏祭酒祭

酒之名久矣又漢置博士至東京而聰明威重者一人

為祭酒博士蓋本曰僕射中興轉為祭酒

武帝紀丞相宏請為博士

置弟子員魏因之晉武帝初立國子學隋煬帝改為國

子監

司業

通典煬帝于國子監初置司業一人以禮有樂正司業

因以為名唐置二人

助教

通典晉咸寧中初立國子學置助教十五人以教生徒

學正學錄

續文獻通攷宋國子正錄大觀初置掌行學規糾不如規者罰之元置學正學錄各二人督習課業

監丞

通典隋置監丞二人唐一人此師生怠教不率教及廩膳不潔並糾懲之而堅明

其約

主簿 典簿

漢御史臺有主簿魏晉以下寺監及州郡並有之續通攷宋置國子監主簿掌文簿 唐百官志典簿掌女史

名簿元國子監典簿掌文牘簿書之事

太子詹事

通典詹事秦官唐置詹事府以統眾務

春坊庶子

通典曰古天子有庶子之官秦置中庶子北齊有門下坊中庶子四人典書坊庶子四人隋分左右庶子各二人分統門下典書二坊事唐亦各二人分掌左右春坊事春坊之名始此

中允 贊善 諭德

又曰中允後漢太子官屬職在中庶子下洗馬上宋齊

有中舍人是其職也唐龍朔二年初置左贊善大夫替

中允右贊善大夫替中舍人元亨元年中允舍人復舊

而贊善別自為官漢制太子五日一朝其非朝日使中

啟奏并監藥及通判坊事贊善侍從翊贊比諫議大夫又曰龍朔三年初置太子

左右諭德各一員掌侍從贊諭

洗馬秦官漢因之

漢百官表如淳曰洗馬前驅也國語勾踐為夫差先馬

先或洗馬通典曰洗馬秦官漢因之

駙馬

駙馬名始於漢武謂駙御馬而行親幸之義非必尙公

主也嬾真子以為駙馬者始於魏武寵何晏以御馬之

副給之志恩也故魏晉尙公主姑稱駙馬

漢軍

漢軍之名始見宋史劉延慶傳遼將蕭幹擒糧將王淵

得漢軍二人蔽其目留帳中夜半偽相語曰聞漢軍十

萬壓吾境吾師三倍敵之有餘此遼稱宋軍為漢軍也

主事

主事

日知錄曰主事始於後漢光祿勳有南北庭主事其職掾吏也宋六部及三省皆有之然吏也非官也

官銜

錢希南部新書官銜者取相銜不斷之義余按家語執轡篇云古之銜也天下者以六官摠治焉故銜四馬者執六轡銜天下者正六官官銜之名始此

下官

梁武帝改稱臣爲下官後世傳奇中稱下官本此

朝奉

徽俗稱富翁爲朝奉亦有本漢有奉朝請無定員本不爲官位但奉朝會請召而已如俗稱郎中員外舍人待召之類又寄園寄所寄云宋有朝奉郎之官太祖初定徽民迎之皆目稱朝奉太祖曰多勞汝朝奉愚按無官而稱朝奉已屬僭妄況自稱于君王之前乎

九品

通考以九品官爲始于曹魏按國語官不過九品是自古已然

從品

通典以從品官始于宇文按漢官志有二千石比二千石之文比者即從品也

兵馬司

兵馬司起于元世祖至元九年改千戶所為大都路兵馬司掌京城捕盜事見世祖本紀

省中

漢書舊名禁中避元后諱改省中

樞密使

石林燕語馮鑑續事云代宗永泰中以中人管樞密因

置內樞密使蓋本宦者之任不係職官而五代特增大之

太醫院

班固漢書百官表奉常屬官有太醫令丞

欽天監

秦漢以來有太史令并周太史馮相保章三職隋曰太史曹煬帝改曹為監唐初改監為局武后改為渾天監又改為渾儀監後復為太史局肅宗改為司天臺宋有司天監金有司天臺元初因之至元八年增置司天監

十五年別立太史院明初置欽天監

又開府儀同三司

晉職官志漢延平元年鄧騭為車騎將軍儀同三司儀同之名始此及魏黃權以車騎將軍開府儀同三司開府之名始此

通政使

通事舍人昔堯命舜賓于四門蓋今任也秦置謁者漢

因之見通典按舜典帝曰龍命汝作納言夙夜出納朕命是其職也魏世中書始置通

事一人初學記晉置通事舍人掌呈奏通典唐垂拱二年置

驛使院主宣萬人之情唐書而白居易有通事舍人制宋

置中書通事舍人明洪武初置察言司十年置通政使司曰政猶水也欲其常通故以名官

鑾儀衛

今鑾儀衛本周之虎賁氏漢之執金吾隋之左右衛唐之左右奉宸等衛宋有衛尉寺儀鑾司掌設帷宮陳鹵簿儀仗明洪武三年設儀鑾司十五年改錦衣衛凡朝會巡幸則具鹵簿儀仗分鑾輿擊蓋扇手旌節幡幢班劍斧鉞戈戟弓矢馴馬十司

京尹

周官有內史秦因之漢景帝分置左右內史武帝更名
 京兆尹與右扶風左馮翊為三輔魏晉為京兆太守後
 周又為京兆尹唐京兆府置牧一人以親王為之五代
 俱置開封府尹宋開封府尹牧不常置以待制以上充
 掌印權知府金置大興府尹元初立燕京路總管（興
 府明永樂十年陞順天府尹為正三品

中書置事合人即其遊或置事合人半置事合人歸宋
 置事合人半置事合人歸宋

